

मार्निंग डोगरी न्यूज बुलेटिन,

समा. 09.20 Hrs



Headlines

1. लैफ्टिनेंट गवर्नर मनोज सिन्हा होंरें नौजवानें दा आहवान कीता ऐ जे ओह बड्डे सुक्खने दिक्खन ते बड्डे लक्ष्य रक्खन ते उनेंगी हासल करने लेई पूरी हिम्मत ते मजबूत धेइये कन्ने अगगे बधन।
2. किशतवाइ जिले च आतंकवादियें कन्ने होए दे टाकरे च 8 फौजी जवान जख्मी- अभियान च तेजी लेई सुरक्षाबलें आसेया निगरानी आले आधुनिक उपकरणें दा इस्तेमाल कीता जा रदा ऐ।
3. खेड्ड मंत्री सतीश शर्मा होंरें आखेया ऐ जे खेड्डें दे खेतर च हासल उपलब्धियां साहडे नौजवानें दी तागत गी दर्शादियां न। उनें आखेया जे “सृजन” जनेहियां पैहलकदमियां इक तगड़ी खेड्ड प्रणाली लेई बत पदरी करा रदियां न।
4. भद्रवाह च आयोजित “विंटर कार्निवल 2026” सम्पन्न- कल अखीरले ध्याड़े जहारां बद्दे लोकें शानदार प्रस्तुतियें ते सांस्कृतिक कार्यक्रमें दा नंद लैता।
5. मौसम विभाग नै अज्जै थमां प्रदेश च बरखा दे बर्फबारी दी भविक्खवाणी कीती ऐ- चिनाब घाटी सनें पीर-पंजाल ते दक्खनी कश्मीर च भारी बरखा ते बर्फबारी दे असार न।



ते हून खबरें दी तफसील कन्ने विजय बजाज :-



LG-Youth (Byte)

लैफ्टिनेंट गवर्नर मनोज सिन्हा होंरें नौजवानें गी आखेया ऐ जे ओह बड्डे सुक्खने दिक्खन- बड्डे लक्ष्य तय करन ते उनेंगी हासल करने लेई पूरी हिम्मत ते पक्के धेइये दे कन्ने अगगे बधन। एल.जी होंरें युवाएं गी आखेया ऐ जे इक शानदार भविक्ख उंदे लेई बलगा करदा ऐ ते उनेंगी लोइचदा ऐ जे ओह पूरी निश्ठा कन्ने कम्म करदे होई इक खुशहाल जम्मू-कश्मीर दे निर्माण लेई धेइया करन-कीजे इतिहास छड़ा उनेंगी गै चेता रक्खदा ऐ- जेहडे अपनी हदें गी चुनौती दिंदे होई डर उप्पर जित हासल करदे न ते नामुमकिन गी हकीकत च तब्दली करदे न। एल.जी होर साम्बा च गुड़ा सलाथिया आले युवा विकास- मार्गदर्शन ते कैरियर परामर्श सीगे दे 7में सलाना ध्याड़े आले समारोह गी सम्बोधित करा रदे हे। एल.जी होंरें नौजवानें दा आहवान कीता जे ओह समाजी बदलाव दे वास्तुकारें दे तौर पर कम्म करन ते विकसित भारत दे नजिरये गी सच बनाने लेई योगदान देन।



LG –Delegation

लैफ्टिनेंट गवर्नर मनोज सिन्हा हुंदे कन्नै मिलने गी आए भाजपा दे सीनियर लीडर तारिक हुसैन कीन हुन्दी अगुआई च लोकें दा इक डैलीगेशन एल.जी हुंदे कन्नै मिलेया। भारती जनता पार्टी दे शोपियां दे साबका जिला अध्यक्ष मोहम्मद यूसफ भट्ट हुंदी अगुआई च इक डैलीगेशन लैफ्टिनेंट गवर्नर हुंदे नै मिलेया। साबका मंत्री ते जम्मू-कश्मीर बी.जे.पी उपाध्यक्ष बी एल.जी. हुंदे कन्नै मिले ते लोकें दिये समस्याएं गी दस्सेया-दसाया। इस्सै चाल्ली बुंजवा-किश्तवाड़ थमां जिला विकास परिषद दियां मिम्बर आमना चौधरी बी लैफ्टिनेंट गवर्नर हुंदे कन्नै मिलियां ते केई मसलें उन्दे कन्नै साफ कीते।



Kishtwar -Encounter

किश्तवाड़ जिले दे इक दूर-दरेडे उच्चे पहाडी जंगली इलाके च होए दे टाकरे च फौज दे 8 जवान जख्मी होई गे न। आकाशवाणी दे जम्मू संवाददाता दी रिपोर्ट मुजब जख्मी होए दे जोआनें गी इलाके चा कड्डिये अस्पताल पुजाई दिता गेदा ऐ। इंदे चा मते सारे जवान- ग्रेनेड धमाके च छरे लग्गने करी जख्मी होए दे न। आतंकवादिये दा पता लाने ते उन्दे सफाये लेई बड्डे स्तर पर तुपाई अभियान चलाया गेदा ऐ। जम्मू च स्थित फौज दी वाईट हाउस कोर आसेया कल दपैहरी रम्भे गेदे इक अभियान गी Operation Trashi-I नांs दिता गेदा ऐ। सोशल मीडिया मंच-एक्स पर इक पोस्ट च वाईट नाईट कोर नै दस्सेया ऐ जे तुपाई अभियान दे दरान छातरु दे सोन्नार इलाके च सुरक्षाबले दा आतंकवादिये कन्नै टाक्करा होआ। इस अभियान गी तौले अंजाम धोड़ी पुजाने लेई सुरक्षाबले- निगरानी आले आधुनिक उपकरणे सनें ड्रोन ते खोजी कुत्ते गी बी कम्मै पर लाए दा ऐ।



Rajouri- Alert

राजौरी जिले दे नौशैहरा इलाके दे कलाल सेक्टर च थोड़े समे लेई इक अलर्ट आहली स्थिति उसलै पैदा होई गेई- जिसलै ग्रामीण रक्षा गुप VDC दे इक मैम्बर नै इलाके च संदिग्ध नकलो-हरकत गी दिक्खदे होई एहतियात दे तौर पर इक राउंड गोली चलाई। सुरक्षाबले फौरन इक थाहर पुज्जी गे ते तपाश मुहीम शुरु करी ओड़ी। मगरा लग्गदे इलाके दी घेराबंदी करिये तपाशी अभियान शुरु कीता गया- तां जे कुसै बी चुनौती दे खदशे गी खारिज कीता जाई सकै।



Satish –Srijan (Byte)

युवा सेवाएं ते खेड्डे सरबंधी मंत्री सतीश शर्मा होरें आखेया ऐ जे जम्मू-कश्मीर दे नौजवानें दियां शानदार उपलब्धियां इस गल्लै दा सबूत न जे इक -बरोबर मौकें- आधुनिक ढांचे ते सरकार दे मज़बूत समर्थन दे राहें नौजवान मता किश हासल करी सकदे न। “सृजन” नां दे खेड्डे सम्मेलन आली पैहलकदमी दे दरान किट्ठ अगगै भाषण दिंदे होई मंत्री होरें आखेया जे युवा खडारियें दी कामयाबी साफ तौरा पर एह दर्शादी ऐ जे स्हेई बवस्था लागू होने दे चलदे साढ़े प्रदेश दे नौजवान हर चुनौती शा पार पाने ते राश्ट्री ते अंतराश्ट्रीय सतह दे मंचें पर पूरे विश्वास कन्नै अपनी काबलियत दस्सने च सक्षम न। “सृजन” कार्यक्रम दे उद्देश्यें पर लौस पांदे होई सतीश शर्मा होरें आखेया जे एह पैहलकदमी प्रदेश दे खेड्डे तंत्र गी तगड़ा बनाने च बड़े बड्डे बदलाव आली भूमिका निभा करदी ऐ। इस कार्यक्रम बारे अपने विचार सांझे करदे होई सब्बनै शा लौहकी उम्री च पदमश्री हासल करने आले फेज़ अली डार होरें आखेया



Winter Carnival (Music Piece)

विंटर कार्निवल -2026 दे दुए ते अखीरले ध्याड़े- कल भद्रवाह दे नमैं बस अड्डे च पूरे जोश ते जज्बे कन्नै भव्य समारोह लोआया गया। इस मौके पर स्थानीय बसनीक ते सैलानी बरोबरी दी तदाद च मजूद हे- इस बड्डे समारोह दा आयोजन जम्मू-कश्मीर सरकार दे सैलसफा विभाग आसेया जिला प्रशासन डोडा ते भद्रवाह विकास प्राधिकर कन्नै रलियै कीता गेदा हा। इस दौरान मन्ने-परमन्ने दे कलाकारें अपनियां प्रस्तुतियां दितियां। स्थानीय सांस्कृतिक प्रोग्राम होए- पारम्परिक खाने ते स्टॉल लाए गेदे हे ते इक Street बाजार दा सरिस्ता कीता गेदा हा तां जे सैलानियें गी पूरा-पराता पारम्परिक ते सैलानी तुजुर्बा हासल करोआया जाई सकै।

प्रोग्राम दा मुख आकर्षण मन्ने दे पंजाबी पॉप सिंगर जी. खान हुंदी पेशकश रेही- जिनें अपनी ऊर्जावान प्रस्तुती ते संगीत दिएं मधुर सुर-लैहरियें कन्नै समां बन्नी ओड़ेया।



HADP

दहाके थमां मुल्खै च राई-बाई आहले सैक्टर च मध्यस्थरता ते दखल-अंदाजियें मगरा इक्कै चाल्ली दियां स्कीमां शुरु कीतियां जंदियां न। रियायतां बधाइयां जंदियां न ते लाभाकारियें दी गिनतरी कन्नै कृषि सैक्टर दी सफलता नापी जंदी ऐ। इस रौस-रवैये कन्नै कम्म हुंदा ते लब्बदा ऐ- पर स्थायी नतीजें हासल नैई होने च खासकरी ओहके इलाकें च जित्थे पर्यावरण दी स्थिति नाजुक हुंदी ऐ- खेतर लौहके ते दूर-दूर हुंदे न ते इलाका उबड़-खाबड़ होन्दा ऐ। जम्मू-कश्मीर अपनी

सगगोसार- कृषि ते जलवायु बन्न-सबन्नता ते अपनी सैरज समर्थया दे बावजदू अपनियां कमज़ोर नैतिक कड़ियें बड़ी घट्ट उत्पादकता ते बाहरली सप्लाई पर लगातार निर्भरता करी लाचारी च गै रेहा ऐ। इस्सै पशोकड़ गी दिक्खदे होई प्रधानमंत्री होरें 2024 बरे च समग्र कृषि विकास प्रोग्राम HADP जम्मू-कश्मीर दे लोके दे नमित लाया- जेदे तैहत 29एं सरबंधत परियोजनाएं लेई 5 जहार 13 करोड़ रपे कुल खर्चा करना तय कीता गया। एह परियोजनां राई-बाई-बागवानी ते माल-मवेशियें दे सैक्टरें कन्नै सरबंधत न।



Satish Cricket (Byte)

युवा सेवाएं ते खड्डें सरबंधी मंत्री सतीश शर्मा होरें उधमपुर च देविका चैम्पियन्स लीग दे फाईनल मैच आले कार्यक्रम च कल हिस्सा लैता। एह प्रतियोगिता खिते च युवा प्रतिभागियें गी नखारने ते मुकाबलेबाजी आली खेड्डें गी बढ़ावा देने आली इक बड्डी पैहलकदमी ऐ। कल खेड्डे गेदे फाईनल मुकाबले गी दिक्खने आस्तै बड़ी बद्ध गिनतरी च लोक उत्थे पुज्जे दे हे। इस मौके पर किट्ट अगगे भाषण दिंदे होई मंत्री होरें केन्द्र शासत प्रदेश च इक मजबूत ते टिकाऊ खेड्ड संस्कृति दे निर्माण लेई जम्मू-कश्मीर सरकार दी वचनबद्धता गी फही पक्का कीता। उनें जोर देइयें आखेया जे युवाएं गी अनुशासन- आत्म-विश्वासी ते सेहतमंद बनाने च खेड्डें दी भूमिका बड़ी महत्वपूर्ण ऐ। इस सरबंधे च पत्रकारें कन्नै गल्ल करदे होई मंत्री होरें आखेया



Weather

मौसम विभाग नै औने आहले दिनें दरान जम्मू-कश्मीर च बरखा ते बर्फबारी दे असार दस्से न। विभाग मूजब, अज्जै थमां प्रदेश दे मते सारे इलाके च मौसम बदलोखड़ा बने दा रौहग ते केई थाहें पर हौली शा दरम्याने दर्जे दी बरखा जां बर्फबारी होई सकदी ऐ। उ'आं 22 जनवरी थमां लेइयें 25 जनवरी तगर खिते च पच्छमी ब्हाएं च खौदल करी मौसम प्रभावत रेई सकदा ऐ। तौंआई 23 ते 24 जनवरी गी चिनाब घाटी, उधमपुर, रियासी ते दक्खनी कश्मीर दे किश हिस्सें च मध्यम शा भारी बरखा बरने दे असार दस्से गेदे न। मौसम विभाग ने यात्रुएं ते करसानें गी लोइचदी एहतियात बरतने लेई आखेआ ऐ। इस बारे होर जानकारी सांझी करदे होई मौसम विभाग दे डरैक्टर मुख्तार अहमद होरें आखेया

